

UPUTA ZA AUTORE

Opšti uslovi

Prijava radova vrši se online putem web stranice. Rad je potrebno dostaviti **najkasnije do 30.09.2025. godine**. Rad treba biti napisan u skladu sa uputstvima navedenim u nastavku teksta.

Nakon pregleda radova, Naučni odbor donosi odluku o (ne)prihvatanju rada i informiše autora o istoj. Informacije o prihvatanju ili odbijanju rada autori će primiti **najkasnije do 01.11.2025. godine**.

Kod prijave rada potrebno je odabrati sekciju u koju se rad prijavljuje, kao i željeni način prezentacije (oralna ili poster prezentacija). Naučni odbor zadržava pravo da predloži i drugačiji vid prezentacije u odnosu na originalni odabir autora.

Sažetak i naslov rada trebaju biti napisani dvojezično (na jednom od službenih jezika u BiH i na engleskom jeziku). Rad se piše na engleskom jeziku.

Broj autora po radu, uključujući i prezentujućeg autora je maksimalno 7.

Isti autor može prezentovati maksimalno dva rada.

Nakon prijave nije moguća naknadna izmjena i korekcija rada.

U radu je obavezno naznačiti kontakt e-mail autora za korespondenciju, kako bi se mogla dostaviti informacija o prijavljenom radu.

Oralne prezentacije ne smiju trajati duže od 10 minuta.

Poster su veličine 70x100 cm, vertikalno orijentirani, a vrijeme prezentovanja će biti naknadno određeno.

Prijavom rada autori daju dozvolu organizatoru Studentskog kongresa "Hrana-Ishrana-Zdravlje" da objavljuje radove na službenoj web stranici kongresa.

Autori treba da prijavljuju radove koji su rezultat isključivo njihovog rada. Rezultati drugih radova moraju biti adekvatno citirani i navedeni u radu. Bilo koji vid plagijarizma (prisvajanje tuđih rezultata ili rada; reprodukovanje značajnog dijela nečijeg rada ili parafraziranje drugih radova bez adekvatnog citiranja) je neetičan i neprihvatljiv.

Prijavom rada kroz sistem prijave na zvaničnoj web stranici kongresa autori prihvataju ove uslove. Naučni odbor zadržava pravo da odbije radove koji nisu u skladu sa opštim uslovima kongresa.

SEKCIJE KONGRESA

Radovi se mogu prijaviti unutar samo jedne od niže navedenih sekcija kongresa. Odabir sekcije je opcionalan. Ukoliko ste napravili odabir sekcije, Naučni odbor zadržava pravo da radove prihvaćene za prezentiranje preraspodjeli i u sekciju različitu od one koja je originalno odabrana.

1. Primarna proizvodnja i prerada hrane;
2. Toksikologija i sigurnost hrane i okoliša;
3. Savremena dijagnostika i analitika hrane;
4. Ishrana tokom životnog ciklusa;
5. Dijetoterapija.

UPUTE ZA PISANJE RADA

Format rada i sadržaj

Neophodno je obratiti pažnju na zadati format i stil rada. Naučni odbor ili recenzenti neće vršiti naknadne korekcije rada u ovom smislu. **Radovi koji ne budu usklađeni sa zahtjevima u pogledu stila i formata biće vraćeni na korekciju autorima.**

Radovi trebaju biti napisani u Word for Windows, engleskim jezikom (standardni britanski ili američki engleski, konzistentan u cijelom radu) sa jednostrukim proredom (Times New Roman, veličina slova 12), obostranim poravnanjem u A4 formatu, sa marginama od 2,5 cm (maksimalna dužina rada je 4 stranice).

Latinske riječi, kao i nazivi vrsta trebaju biti napisani kurzivom, npr. *in vivo*, *ibid*, *Artemisia annua* L. itd.

Struktura rada

Rad treba sadržavati naslov rada (pisan na jednom od službenih jezika u BiH i engleskom jeziku), autore i afilijacije, sažetak (pisan na jednom od službenih jezika u BiH i engleskom jeziku), glavni tekst i popis referenci.

Za pisanje rada autori trebaju predložak koji se nalazi na zvaničnoj web stranici kongresa (Predložak za pisanje rada).

Naslov rada pisati fontom Times New Roman, veličina 12, masna slova - bold, centralno poravnanje, veliko početno slovo samo u prvoj riječi. Maksimalna dužina naslova je 30 riječi.

Imena i prezimena autora pisati fontom Times New Roman, veličina 12, normalna slova, centralno poravnanje. Ime pisati velikim početnim slovom, a prezime svim velikim slovima.

Naziv fakulteta/Institucije autora pisati fontom Times New Roman, veličina 10, normalna slova, centralno poravnanje.

Sažetak treba da ukratko opiše cilj istraživanja, osnovne rezultate i najznačajnije zaključke. Prored treba da je jednostruki, poravnanje obostrano, font Times New Roman, veličina slova 12. Sažetak ne smije biti duži od 200 riječi i mora sadržavati ključne riječi (maksimalno 5 ključnih riječi).

Ključne riječi pisati fontom Times New Roman, veličina 12, kurziv, lijevo poravnanje. Ključne riječi razdvajati zarezom, bez tačke na kraju.

Glavni tekst (pisan samo na engleskom jeziku) treba da ima slijedeću formu:

Introduction-treba da uključi cilj istraživanja i koncizni opis osnove istraživanja, i prethodna saznanja i rezultate direktno vezane za sadržaj rada.

Experimental-daje opis korištene metodologije u istraživanju, detaljno opisane kako bi se mogla reprodukovati. Standardne metode se mogu navesti uz opis reference, dok se modifikovane metode trebaju detaljno opisati. Kod preglednih radova, navesti načine pretraživanja literaturnih podataka.

Results and Discussion-treba da uključi precizan i koncizan opis rezultata, uz diskusiju njihovog značaja i poređenje sa relevantnim literaturnim podacima.

Conclusion-daje sumarni, kratki odgovor na postavljene ciljeve istraživanja.

Author contributions- za radove sa više autora, kratki paragraf koji opisuje specifični doprinos svakog autora. Potrebno je koristiti slijedeće izjave: "Conceptualization, X.X. and Y.Y.; methodology, X.X.; investigation, X.X.; writing—original draft preparation, X.X.; writing—review and editing, X.X.; visualization, X.X.; supervision, X.X.; All authors have read and agreed to the published version of the proceeding". **Autorstvo treba biti ograničeno na autore koji su značajano doprinijeli radu.**

Funding: Za rad koji je imao neke vrstu finansijske podrške može se koristiti fraza: "This research was funded by NAME OF FUNDER, grant number XXX". Ukoliko rad nije finansiran iz vanjskih izvora potrebno je upisati rečenicu: "This work did not receive funding".

Informed Consent Statement: opcionalno; može se koristiti fraza: "Informed consent was obtained from all subjects involved in the study." ili "Patient consent was waived due to REASON (please provide a detailed justification)." ili "Not applicable" for studies not involving humans.

Acknowledgments: opcionalno; u ovoj sekciji može se zahvaliti na podršci koja nije prikazana kao autorski doprinos ili nije u sekciji finansiranja. Ovo može uključiti administrativnu ili tehničku podršku, ili donacije ili usluge (npr. materijali korišteni za eksperiment).

Conflicts of Interest: navesti sukob interesa ili izjava "The authors declare no conflicts of interest."

References: važno je navesti svaku referencu označenu u tekstu (i obratno). Neobjavljeni rezultati i lična korespondencija nisu preporučeni kao reference, ali mogu biti spomenuti u tekstu. Reference uključene u listu trebaju pratiti standardni stil referenciranja. Broj referenci ograničen je na maksimalno 15. U tekstu je potrebno navesti prezime autora (bez inicijala) i godinu objave ("Steventon, Donald and Gladden (1994) studied the effects..." or "...similar to values reported by others (Anderson, Douglas, Morrison, et al., 1990)..."). Pri prvom citiranju navesti prezimena prva tri autora, U narednom navodu istog rada navesti samo prezime prvog autora (author et al). Lista referenci treba biti abecednim redom prema prezimenima autora i treba biti što potpunija, uključujući popis svih autora, puni naslov članka i časopisa, izdavača i godinu.

Primjeri referenciranja:

- Referenciranje časopisa: Bemrah, N., Leblanc, J.C., Volatier, J.L. (2008). Assessment of dietary exposure in the French population to 13 selected food colours, preservatives,

antioxidants, stabilizers, emulsifiers and sweeteners. Food Additives & Contaminants: Part B: Surveillance, 1(1), 2-14.

- Referenciranje knjige: 1. Shibamoto, T., Bjeldanes, L. (2009). Introduction to Food Toxicology. (2nd Ed.) Academic Press.

- Referenciranje poglavlja u knjizi: Gould, G.W., Russell, N.J. (2003). Sulfite. In: Russell, N.J. & Gould, G.W. (Eds.). Food Preservatives. (p.p. 85-101). Springer, Boston, MA.

- Referenciranje rada objavljenog u zborniku: Bonaccio, M., Di Castelnuovo, A., Constanzo, S., Ruggiero, E., Donati, M.B., de Gaetano, G., Iacoviello L. (2023). Combination of Adherence to a Traditional Mediterranean Diet and Ultra-Processed Food Consumption in Relation to All-Cause and Cardiovascular Mortality: Prospective Findings from the MoliSani Study, in Proceedings of The 14th European Nutrition Conference FENS 2023), Belgrade, Serbia, 91(1), 79; <https://doi.org/10.3390/proceedings2023091079>

- Web stranice: European Food Safety Authority, <https://www.efsa.europa.eu/en>, (01/07/2024).

-Službene novine i propisi: Rulebook on Food Additives. (2018). Official Gazette of BiH, 33/18